

四庫全書

子部

欽定四庫全書

子部

證治準繩卷九十九

詳校官太醫院八品吏目<sub>臣</sub>黃發

編修<sub>臣</sub>倉聖脈覆勘

總校官進士<sub>臣</sub>朱鈐

校對官助教<sub>臣</sub>卜維吉

膳錄監生<sub>臣</sub>何繼盛

欽定四庫全書

證治準繩卷九十九

明 王肯堂 撰

幼科

肝臟門

寒熱往來

凡寒熱往來無定期其有定期者瘧也 巢氏曰風邪外客於皮膚而痰飲內潰於腑臟致令血氣不和陰陽

更相乘尅陽勝則熱陰勝則寒陰陽之氣為邪所乘邪  
與正相干陰陽交爭時發時止則寒熱往來也 全生  
指迷論曰若其人翕翕如熱淅淅如寒無有時度支節  
如解手足酸疼頭自昏暈此由榮衛虛弱外為風邪相  
乘搏於陽則發熱搏於陰則發寒久不治成勞宜荊芥  
散 又曰若寒熱如瘧不以時度腸滿膨脝起則頭暈  
大便不通或時腹痛胸膈痞悶此由宿穀停留不化結  
於腸間氣道不舒陰陽交亂宜備急丸 經曰陽虛則

外寒陰虛則內熱陽盛則外熱陰盛則內寒寒熱往來  
此乃陰陽相勝也故寒氣并於陰則發寒陽氣并於陽  
則發熱寸口脉微為陽不足陰氣上入陽中則惡寒尺  
脉弱為陰不足陽氣下入陰中則發熱陽不足則先寒  
後熱陰不足則先熱後寒陰陽不歸其分則寒熱交爭  
也又上盛則發熱下盛則發寒陽盛則乍熱陰盛則乍  
寒陰陽相勝虛實不調故邪氣更作而寒熱往來或乍  
寒乍熱也少陽膽者肝之府界乎太陽陽明之間半表

半裏之分陰陽之氣易於相乘故寒熱多主肝膽經證  
以小柴胡湯加減調之若祇見寒熱起居如常久而不  
愈及大病後元氣未復悉屬陰虛生熱陽虛生寒宜用  
八珍湯虛補之甚者十全大補湯汗有食積為病亦令  
寒熱用保和丸宿食消之若兼嘔吐泄瀉用六君子湯吐瀉  
厥冷飲熱人參理中丸瀉作渴不止七味白朮散渴食  
積既消而寒熱尚作者肝邪乘脾所勝侮所不勝也用  
異功散吐瀉加柴胡山梔其瘧證寒熱詳見瘧門

湯食積寒熱如瘧渴瀉氣急要合地卧此候先當取下

積只用平胃散次常服進食丸

平胃散見不乳  
進食丸見積

錢曹宣德子三歲面黃時發寒熱不欲食而飲水及乳  
不止衆醫以為潮熱用牛黃丸不愈及以止渴乾葛散  
服之反吐錢曰當以白餅子下之後補脾乃以消積丸  
磨之此乃解也後果愈何以故不食但飲水者食伏於  
脾內不能消化致令發寒熱用止渴藥吐者藥衝脾故  
也故下之即愈

子和高巡檢子八歲病熱醫者皆為傷冷治之以熱藥  
欲飲水水禁而不與內水涸渴煩躁轉生前後皆閉口  
鼻俱乾寒熱往來咳嗽時作遍身無汗又欲灸之適遇  
戴人戴人責其母曰重裊厚被煖炕紅爐兒已不勝其  
熱尚可灸乎其母謝以不明戴人令先服人參柴胡飲  
子遂連進數服下爛魚腸之類臭氣異常渴欲飲水聽  
其所欲冰雪冷水連進數杯節次又下三四十行大熱  
方去又與通膈丸牛黃丸復下十餘行兒方大痊前後



約五十餘行畧計所用氷雪水飲計一斛向灸之當何如哉

太醫局小柴胡湯 治大人小兒傷寒溫熱病身熱惡風頸項強急胃滿脇痛嘔噦煩渴寒熱往來身面皆黃小便不利大便秘鞭或過經未解或潮熱不除及差後勞復發熱頭痛婦人傷風頭痛煩熱經血適斷寒熱如瘧發作有時及產後傷風頭痛煩熱並宜服之

柴胡

去蘆頭  
秤半斤

黃芩

人參

去蘆頭  
秤

甘草

炙各  
參兩

半夏

湯洗

柴火焙乾  
秤貳兩半

右五味同為麤末每服三大錢以水一盞半入生薑五片棗一枚擘破同煎至七分應去滓稍熱服不拘時小兒分作二服更量大小加減

張渙秦芩湯

治小兒寒熱往來

秦芩

去苗

鼈甲

醋炙

微黃去

棗欄各一兩

川大黃

剉碎

麻黃

去根

節各

半兩  
兩竹茹

甘草

炙各  
一分

右件擣羅為麤散每服一錢水一盞入蔥白二寸同煎至五分去滓溫服量兒大小加減

人參前胡散

人參

去蘆頭

前胡

柴胡

去苗各一兩

桔梗

地骨皮

甘草

炙半夏

湯洗七遍焙乾各半兩

右件擣羅為細末每服一大錢水一小盞入生薑二片煎至半盞去滓放溫服量兒大小加減

芍藥湯

赤芍藥

一兩

黃芩

當歸

剉

焙

柴胡

各半

肉桂

甘

草

一分

各

右件

搗羅為細末

每服一錢水八分一盞入生薑二

片棗一枚同煎至五分去滓溫服量兒加減

王氏手集柴胡人參湯

治小兒脾熱生風往來寒熱

子

和柴胡飲子有黃

芩大黃當歸無茯苓

柴胡

人參

芍藥

茯苓

甘草

各

等分

右每服二錢水一盞入生薑三片煎至四分溫服

全生指迷荊芥散

荊芥穗 人參 白朮 當歸切洗 黃耆 芍藥

桂

去粗皮 各一兩

柴胡

去苗 貳兩

甘草

炙半兩

右為麤末每服五錢水二盞煎至一盞去滓溫服

全生指迷備急丸

大黃

濕紙裹煨

巴豆

去皮心 去油

乾薑

去皮各等分

右為細末煉蜜和丸如豌豆大每服一九米飲下羸人服一九如菜豆大以大便快利為度

千金治小兒生一月至五月乍寒乍熱方

右細切柳枝煮取汁洗兒若渴絞冬瓜汁飲之

水鑑孩子百日内忽有寒熱何以治之與冷藥喫即乳  
寒嘔逆若與熱藥治之其病加甚無神法聖術因循喪  
兒之命博覽石室祕方用之應妙歌云 桃花廕末一  
錢餘甘草衝湯力更殊藍花只消一兩字乾陰灌之入口  
立消除

右三味為末每服半錢湯調灌之

右用李葉不拘多少煮湯浴兒

又白芷  
又苦參

玉訣云先調氣次解虛熱熱不去下真珠丸散

真珠丸 治小兒寒熱虛積五臟煩滿及下風涎積滯

驚食疳積

南星 半夏

滑石

各末  
二錢

輕粉

四錢  
七分

已豆

貳柒粒  
去心油

右末之麵糊丸芥子大每服十五二十九煎葱湯吞

下

嬰孺六味湯治少小 寒熱進退啼呼腹痛

地黄

桂心

各八分

芍藥

寒水石

黃芩

炙

甘草

炙各二分

右切細以水三升煮一升半一歲兒二合至三合量  
兒服之

大黃丸 療小兒寒熱食不生肌肉

大黃

一兩蒸之二斗米下

桂心

乾薑

炮各二分

巴豆

五十粒去皮心熬

消石

三分熬無者以芒硝代之

右五味搗篩四味別搗已豆令如泥合和以蜜更搗



二千杆

在膈下當利預作粥如服已吐下丸法服藥雨食頃  
不吐下以熱飲動之若不得吐下可更服一丸半能  
藥壯人可二丸此藥優於他下藥丸故宜大小下多  
冷粥解之若有瘡綿挺如指蜜和一丸塗挺頭且內  
瘡中腸出之不差更作溫病不得大便服之得下住  
宿食不消亦服之飛尸遁尸漿服半丸日一應須更  
止心腹脹滿痛服一丸瘡者依發日宿勿食清晨服

一九丁壯人服二九得吐下忍飢過發時乃食婦人產後血結中奔走起上下或絕產無子或月經不調面目青黃服半丸小兒淋瀝寒熱臃脹大腹不欲食食不生肌三四歲如麻子大一九日一服六七歲兒服二九此三十日心腹諸病差兒小半之愈大良忌野猪肉蘆笋生葱按病兒若無實積或有積而虛皆不宜用此若瘠勞一路自當求之肥兒之屬

聖惠柴胡散

治小兒寒熱往來乳食不下四肢無力

心腹脹滿上焦痰壅漸漸消瘦

柴胡

去苗 鼈甲

塗醋炙令黃色去棗爛各壹兩

人參

前胡

桔梗

訶梨勒皮

地骨皮

赤芍藥

杏仁

湯浸去皮尖雙

仁麴炒微黃

甘草

炙微赤

陳橘皮

湯浸去白焙各半兩

右件藥擣篩為散每服一錢水一小盞煎至五分去

滓不計時候溫服量兒大小加減

五味子散

治小兒寒熱往來不欲乳食羸瘦心脹

五味子

當歸

剉碎微炒

人參

桔梗

前胡

各去蘆頭

白

木 赤茯苓 黃芩各一分 甘草半分 麥門冬兩

焙去心

右件藥搗麤羅為散每服一錢以水一小盞煎至五分去滓溫服日三四服更量兒大小以意加減

人參散 治小兒寒熱往來食少羸瘦

人參去蘆頭 黃芪剉 柴胡去苗 白茯苓 鼈甲塗醋炙去

藁木香各半兩 甘草炙微剉 白朮 桃仁湯浸去皮尖雙仁麤炒微

黃各一分 訶梨勒皮三分

右件藥搗細羅為散不計時候以粥飲調下半錢量  
兒大小加減服之

黃芪丸 治小兒往來寒熱多汗心煩小便赤黃不欲  
乳食四肢羸瘦

黃芪剉 麥門冬去心 赤茯苓 白朮 黃芩 甘

草各一分 柴胡去苗 鼈甲塗醋炙令黃去  
尿襴各半兩

右件藥搗羅為末煉蜜和丸如菜豆大每服以粥飲  
下五九日三四服量兒大小加減

張渙香甲散 治寒熱往來肌瘦

鼈甲

酥炙黃  
去尹爛

木香 各一兩

川大黃

微炒

陳橘皮

去白  
焙乾

當

歸

洗焙  
乾

柴胡

去  
苗炙母

甘草

炙各  
半兩

檳榔

三枚

右件搗羅為麤散每服一錢水一小盞入生薑二片煎至六分去滓溫服量兒大小加減

瘧

以下俱雜病於五藏  
無所傳故列於後

婁治小兒瘧疾多與大人同法以出汗為瘥宜桂枝柴胡麻黃參苓等輩又視其病食病瘥以意消息之大抵

多是飲食失節得之須以消導為先可也

曾內經瘧論瘧瘧皆生於風而發作有時何也歧伯曰  
夏傷於暑秋必病瘧謂腠理開而汗出遇風或得於澡  
浴水氣舍於皮膚因衛氣不守邪氣并居其疾始作伸  
欠寒慄腰背俱痛骨節煩疼寒去則內外皆熱頭疼而  
渴乃陰陽二氣交爭虛實更作而然陰氣獨盛則陽虛  
故先寒戰慄腰背頭項骨節皆痛陽氣獨勝則陰虛故  
故先熱發時不嗜食善嘔頭疼腰痛小便不利陰盛虛

則內外皆寒陽盛陰虛則內外俱熱此外感六淫或內傷七情蘊積痰飲病氣與衛氣并居故病日作衛氣晝行於陽夜行於陰得陽而外出得陰而內薄內薄五臟病氣深入不能與衛氣俱出則間日而作當衛氣所至病氣所在則發在陽則熱在陰則寒經曰亢則害極乃反候陰陽各衰衛氣與病氣相離則病休陰陽相搏衛氣與病氣再集則病復合隨其衛氣之所在與所中邪氣相合而然也先寒後熱者先傷寒而後傷風名曰寒



瘧先熱後寒者先傷風而後傷寒名曰溫瘧但熱不寒者名曰瘧瘧身重寒熱骨節痛腹脹滿自汗善嘔名曰濕瘧但寒不熱者名曰牝瘧蓋瘧之為病為證非一故處方之制隨其陰陽虛實脉病證治汗吐下溫對證施治以平為期然百病中人必因其正氣之虛感受邪氣留而不去其病為實自表傳裏先汗後下古今不易故治瘧之法必須先表用百解散驚水薑蔥煎投次小柴胡湯往來寒熱加桂水薑棗煎服以和解表裏之邪自然作

効 若表裏實用當歸散熱潮五和湯熱裏或烏犀丸積六

聖丸積下之勻氣散病止補後以藿香飲不食加草菓

良薑水薑棗煎投正胃氣去寒邪則自平復 如解表

後寒熱往來以二仙飲本截之寒熱既除用平胃散不

食加茴香湯腹和勻鹽湯空心調服溫胃燥脾進美飲

食使中州之土既實則外邪不戰而自屈此為明論

有寒多熱少經久不愈致脾胃弱飲食減神色變二薑

丸本及清脾湯本為治 薛經曰夏傷於暑秋必痃瘕

其證先起於毫毛伸欠乃作寒慄鼓頷腰脊俱痛寒去則內外皆熱頭痛如破渴欲冷飲蓋邪氣并於陽則陽勝并於陰則陰勝陰勝則寒陽勝則熱陰陽上下交爭虛實更作故寒熱間發也有一日一發二日一發三日一發有間一日連二日發有日與夜各發有上半日發下半日發及發於夜者有有汗有無汗此其略也以詳言之當分六經五臟及痰食勞暑鬼瘴之不同

六經五臟痰

見雜病準繩

痰瘧者胸膈先有停痰因而成瘧令人心下脹

滿氣逆煩嘔是也食瘧者是飲食傷脾其人噫氣吞酸  
胸膈不和是也勞瘧者久而不瘥表裏俱虛客邪未散  
真氣不復故疾雖間遇勞即發是也暑瘧者其人面垢  
口渴雖熱已退亦常有汗是也鬼瘧者進退無時是也  
瘴瘧者感山嵐瘴氣其狀寒熱休作有時是也久而不  
愈名曰瘧瘡瘧瘡老瘡也老瘡不愈結癖於兩脇之間  
名曰瘧母此先失於解散或復外感風寒內傷飲食故  
纏綿不已也治法風暑之邪從外而入直解散之解表

後即宜扶持胃氣故丹溪曰無汗要有汗散邪為主有汗要無汗固正氣為主驟發之瘧宜解表久發之瘧宜補脾寒瘧宜溫溫瘧宜和瘧瘧宜清挾痰則行痰兼食則消食勞瘧宜安暑瘧宜解鬼瘧宜祛瘴瘧宜散此亦其畧也更以詳言之則熱多寒少者小柴胡湯寒多熱少者清脾飲子無汗者桂枝麻黃各半湯有汗者柴胡桂枝湯汗多渴者白虎湯渴而小便不利者五苓散小便赤熱多而渴者小柴胡湯熱多汗出腹滿便閉者大

柴胡湯渴加葛根痰瘧者二陳湯

痰

加柴胡黃芩甚者

加枳實食瘧者先用大安丸

宿食

次用異功散

吐瀉

勞瘧痰

瘧並用補中益氣湯

虛熱

暑瘧者十味香薷飲鬼瘧者鬼

哭散瘧瘧者四獸飲瘧母者鼈甲飲凡脾胃虛而患瘧

者不拘有汗無汗三陰六經悉以六君子湯為主熱多

加柴胡山梔寒多加乾薑肉桂有汗加黃芪浮麥無汗

加蒼朮葛根元氣下陷及肝木乘脾並加升麻柴胡為

善若用青皮草果常山等藥以為攻截良法正氣益虛

邪氣益深是多延綿不止而為勞熱者有矣若乳母七情六欲飲食不調或寒熱似瘧肝火熾盛致兒為患者又當治其乳母斯無誤矣

全生指迷論曰寒熱之病或寒已而熱或熱已而寒若寒熱戰慄頭痛如破身體拘急數次渴欲飲冷或先寒而後熱或先熱而後寒或晡時而發或間日而作至其時便發發已如常此之謂瘧瘧脉自弦弦數多熱弦遲多寒此皆得之於冬中風寒之氣藏於骨髓之中至春

陽氣大發邪氣不能自出因遇大暑而後與邪氣相合而發寒多者宜溫之與薑桂湯熱多者宜解之與桔萸湯寒熱等者宜調之與鼈甲湯 大人小兒瘧疾若寒從背起冷大如手不甚戰慄似欲發熱而汗出或即頭痛嘔吐時作其脉遲小此由脾胃素弱因氣寒而收聚水穀不能尅化變而成痰伏痰在內陰上乘陽陽為陰所乘所以作寒逼而成汗宜服旋覆花九半硫丸

熱多於寒小柴胡湯

往來寒熱



全生指迷菰菰湯

菰菰根

四兩

柴胡

去苗八兩

人參

黃芩

甘草

炙各三兩

右為麤末每服五錢水二盞生薑三片棗一枚擘破煎至一盞去滓服

寒多於熱脾飲子

治瘧瘧脉弦數但寒不熱或寒多

熱少膈滿不食口苦舌乾煩渴小便黃赤大腸不利

青皮

炒

厚朴

薑製

白朮

草果

柴胡

茯苓

半

夏

湯泡七次

黃芩

甘草

炙各等分

右每服貳錢水煎

全生指迷薑桂湯

乾薑

牡蠣

火燉通赤

甘草

炙各二兩

桂

去粗皮取心三兩

柴胡

八兩

菰蘆根

四兩

黃芩

二兩活入書用三兩

右為麤末每服五錢水二盞煎至一盞去滓溫服不

拘時候

草果飲

治寒

熱少手足厥冷遍身浮腫肚腹疼痛

厚朴

薑製

青皮

草菓

藿香

甘草

炙

丁皮

神

麴 良薑 半夏麴

右等分 呖咀薑棗煎空心服

清脾湯 治諸瘧久不瘥者脾胃虛弱形容憔悴

厚朴

去粗皮薑汁拌勻  
釀一宿炒乾一兩

烏梅

打破  
去仁

半夏

湯煮透  
剉焙乾

良薑

剉用東  
壁土炒青皮 去白各  
半兩

甘草

炙三  
錢

草菓

炮去殼  
取仁二

半錢

右件咬咀每服三錢水一盞薑二片煎七分未發前  
併三服仍忌生冷油膩時果毒物

二薑丸 治瘧疾往來寒熱經久不瘳者

良薑

一兩剉片  
東壁土炒

白薑

一兩剉片  
已豆九粒去  
殼同炒微黃去已豆

右為細末用獾猪膽汁和水煮麵糊丸麻仁大就帶潤以朱砂為衣熱多用溫湯早晨面北空心送下寒多亦於清旦用溫酒面南空心嚥服若寒熱相停用陰陽湯以一半冷水一半熱湯參和是也不拘向南北投服

寒熱相等胡黃連散 治小兒瘧

人參 胡黃連 草果 檳榔 甘草 柴胡 各等

分

右剉散水一盞煎三分服

張渙桃仁湯

桃仁

湯浸去皮尖雙仁麤炒微黃

鼈甲

酥炙微黃去麤襖各一兩

桂心

黃

芩 赤茯苓 川升麻

各半兩

右為粗散每服壹錢水一小盞煎至五分去滓溫服  
量兒大小加減

全生指迷鼈甲湯

鼈甲

湯浸刮淨  
醋炙黃

白朮

桂去皮

常山

柴胡

去苗  
各一

兩  
牡蠣

半兩火  
煅赤

右為麤散每服五錢水二盞煎至一盞去滓溫服

寒而不熱張渙烏梅丹 治小兒發寒瘧甚者

烏梅肉

一兩  
炒乾

母丁香

乾漆微炒

當歸

桂心

各半  
兩

已上搗羅為  
粗散次入

麝香

二錢半  
細研

右件拌勻煉蜜和丸如黍米大每服十粒粥飲下量

兒大小加減

全生指迷旋復花丸

旋覆花 桂心 枳實炒 人參各五分 乾薑 芍藥

白朮各六分 茯苓 狼毒 烏頭炮去皮 礬石火燉

時各八分 細辛去苗 大黃濕紙裹煨 黃芩 葶藶炒 厚朴去皮薑

汁炙 吳茱萸炒 羌活炒

右為細末煉蜜和丸如梧子大米飲下三丸未知加至七丸小兒黃米大二丸

半硫丸

半夏

湯洗七次三兩

硫黃

二兩研飛

右為末生薑汁煮麵糊丸如梧子大每服三十丸米飲下不拘時候小兒黍米大三五丸

熱而不寒湯治痺瘡但熱不寒方用黃丹煨通紅臨發蜜湯調下能飲酒用酒調一法專服小柴胡湯次服人參前胡湯

張渙知母丹 治小兒發熱瘡甚者



知母

微炒

鼈甲

酥炙去  
羖欄

川大黃

細剉  
微炒

赤茯苓

朱砂

細研水飛  
各一兩

川芒硝

川升麻

各半  
兩

龍腦

一錢  
研

右件同拌勻煉蜜和丸如黍米大每服五粒至七粒  
生薑湯下大便利下即愈量兒大小加減

活人書治瘡疾但熱不寒者

知母

六兩

甘草

炙二兩

石膏

一斤

桂

去皮  
三兩

梗米

二合

右剉如麻豆大每服五水盞半煎至八分去滓服

外散風暑之邪桂枝麻黃各半湯治發熱自汗或無

汗

桂枝 白芍藥 生薑 甘草 炙麻黃 各一  
錢 杏仁

十粒湯泡  
去皮尖

右水一鐘大棗二枚煎四分食遠服

知母麻黃湯 治傷寒或十數日或半月二十日終不  
惺惺常昏沉似失精神言語錯繆又無寒熱症或作  
鬼祟或作風疾多般治之不病或朝夕潮熱煩赤或  
有寒熱似瘧都是發汗不盡餘毒在心胞絡間所致

知母

麻黃

去節

甘草

炙

芍藥

黃芩

各半兩

桂枝

去粗

皮半兩盛

暑可減半

右剉散每服三錢水一盞煎

分去滓溫服令微汗

若心煩不眠欲飲水當稍稍與之令胃氣和即愈未

汗再服大小加減

柴胡桂枝湯

治瘧身熱多汗

柴胡

八錢

黃芩

桂枝

芍藥

甘草

各三錢

半夏

二錢

半

右每服二三錢薑棗水煎

白虎加桂湯 治小兒瘧疾發渴

石膏

五錢碎  
如米

知母

一錢

甘草

五錢  
桂枝五分

右水一盞粳米一撮煎服

十味香薷散

香薷

一人參

白朮

黃耆

橘紅

白扁豆

乾木瓜

厚朴

薑製

白茯苓

甘草

炙各半兩

右為細末每服一錢不拘熱湯或冷水調下

內理中氣養胃湯

治外感風寒內傷生冷溫中快高

能辟山嵐瘴氣脾胃脾胃虛寒

厚朴

薑汁炙

蒼朮

米泔浸去皮剉炒

半夏

湯泡各一兩

藿香

草

果仁

茯苓

人參

各半兩

甘草

炙

橘紅

各二錢半

右剉散每服參錢水一盞薑七片烏梅一箇煎六分

去滓熱服兼治冷飲傷脾發為瘧疾或中脘虛寒嘔

逆惡心寒瘧加桂

又方

陳皮

湯浸去白  
三錢半

甘草

炙

厚朴

薑製  
牛夏三錢

人參

草果

各二錢

白茯苓

四錢

藿香

洗七錢

青皮

去穢

三棱

煨蓬

茂

煨

大腹皮

各一錢半

蒼朮

烏梅

各五錢

右剉散每服參錢薑棗水煎

四獸飲

治陰陽相勝結聚涎飲為瘧兼治瘴瘧

半夏

茯苓

人參

白朮

草朮

橘紅

各等分

甘草

減半

右用烏梅薑棗濕紙裹煨香熟焙乾入藥每服二錢

水煎服

鬼瘡鬼哭散 止瘡疾

常山 大腹皮 白白茯苓

鼈甲

醋炙

甘草

炙各等分

右除甘草鼈甲炙外三味不得見火用桃柳枝各七寸同煎臨發略吐涎不妨只用常山白茯苓甘草亦

効

瘡瘡千金大五補湯 治大人小兒時行後變成瘡瘡

桂心

一兩二錢半

遠志

桔梗

川芎

各二兩

茯苓

芍

藥 人參 白朮 熟地黄 當歸 黃耆 甘

草

各三兩

竹葉

五兩

半夏

一兩

麥門冬

去心各一斤

生枸杞根

生薑

各一斤

大棗

二十枚

右十八味以水三斗煮竹葉枸杞取二斗內諸藥煮  
取六升分六服一日一夜令盡之小兒量大小加減  
以一合至二合漸服至一升止

聖惠犀角散 治小兒熱瘴氣為瘡

犀角屑

甘草

炙微赤剉

川大黃

剉碎微炒

知母

各半兩

鼈甲



一兩 塗醋炙  
黃去棗 爛

柴胡

常山

各七錢半

右搗羅為麤散每服一錢以水一小盞煎至五分去

滓溫服日三四服量兒大小加減

截瘡三聖丸 治諸瘡不拘遠近

穿山甲

湯浸透取甲碎剉同熟灰  
鰾內漫火焙令焦黃色

鷄骨常山 鷄

心檳榔

二味各一兩  
薄剉晒乾

右件再晒為末水煮糯米粉為糊丸棗豆大就帶潤  
以紅丹為衣陰乾每服叁十九至五十九未發前隔

晚用酒空心投一服重者二服經久不瘥下祛瘡丹

二仙飲 治同前

青蒿

去梗五月五日採晒乾用二兩

桂枝

去粗皮半兩二味俱剉碎爲細末

右每服壹錢寒熱未發用涼酒調服或先隔晚以酒

調下加香薷葉

二兩

好茶芽

半兩

合研成末又名斬邪飲

治證同法療暑瘡尤勝服法同前服

祛瘡丹 治經久不瘥

常山

細剉二兩

烏梅

和核一兩薄剉

紅丹

好者半兩

右除烏梅屋瓦別焙常山或晒或焙仍同烏梅紅丹  
研為細末糯米粉煮糊丸麻仁大每服三十九至五  
十九未發前涼酒空心送下或隔晚酒下重者二服  
輕者一服忌鷄麵羊生冷飲食毒物

瘡癰鼈甲飲子 治瘡久不愈腹中結為癥瘕名曰瘡  
母

鼈甲

炙醋

白朮

黃芩

草果

檳榔

芎藭

橘

紅

甘草

厚朴

白芍藥

各等分

右為吹咀水壹鐘薑三片棗一枚煎服

經効瘡丹 治瘡母結癖寒熱無已

真阿魏

雄黃

各三錢半 硃砂一錢半

右沸湯泡阿魏研散雄朱和之稀麵糊丸梧桐子大  
每服一九人參湯候冷空心服瘡瘡桃枝湯冷服臨  
發磨一九傅鼻頭口畔

瘡母丸

鼈甲

醋炙二兩

三棱

義茂

各醋浸透煨各一兩

右為細末神麴糊丸如菴豆大每服二十九白湯下  
量兒大小加減 癖消一半即止

### 消癖丸

羌花

陳久者良好醋煮十數沸  
去醋以水浸一宿晒乾

朱砂

另研水飛  
各等分

右為末密丸二百日兒黍米大二九日二服不知稍  
加之

瘡後浮腫大腹皮湯 治小兒瘡疾用藥太早退熱變  
作浮腫外腎腫大飲食不進

大腹皮 檳榔 三稜 蓬莪茂 蒼朮 枳

錢各五

穀 甘草

各二兩

錢三

右剉散每服三錢生薑皮蘿蔔子椒目同煎

青皮湯 治小兒瘡後浮腫兼寒熱不退飲食不進

白朮 茯苓 厚朴 青皮 陳皮 半夏 大

腹皮 檳榔 三稜 蓬莪茂 木通 甘草

各等

分

右呖咀每服三錢薑水煎

按上諸方皆尅泄元氣之藥若病久脾虛而作腫者當以錢氏異功散為主少佐以五皮湯

方見雜病水腫

誤用

必至不救

### 魃病

魃音奇

小鬼也乳下嬰兒未能行而母更有娠其兒病微

微下利寒熱去來毛髮聳以為有惡神導其腹中胎妬嫉而為此故名曰魃病也以他人相近亦能相繼亦曰繼病妊娠婦人不必悉能致魃亦時有此爾女子榮

血上為乳汁下為經水小兒飲交乳且病况其大分已  
榮於胎而乳汁之漓可知能無使兒病乎則又何鬼神  
之咎為也千金灸伏翼熱嚼哺兒而懷妊者帶伯勞烏  
毛白馬眼不能滋榮氣血乃徒剝裂禽獸海藏云生者  
為相繼死者為傳尸有脉而無氣謂之尸厥有氣而無  
脉謂之行尸 丁奚露哺客忤無辜四異病也陽陽陰  
易百合狐惑四奇病也

龍膽湯 治嬰兒出腹血脉盛實寒熱溫壯四肢驚掣



吐衄者若已能進哺中滿食不消壯熱及變蒸不解  
中客人鬼氣并諸驚癇方悉主之

龍膽草 柴胡 黃芩 桔梗 釣藤皮 甘草

炙 茯苓

芍藥

各二錢半

蜣螂

二枚

大黃

一兩

右為剉散以水一升煮取五合為一劑十歲已下小  
兒皆可服若兒生一日至七日分一合為三服八日  
至十五日分一合半為三服十六日至二十日分二  
合為三服二十日至三十日分三合為三服皆以得

下為止此劑為出腹嬰兒所作若日月長大者亦依此為例必知客忤及有魘氣者可加人參當歸各貳錢半一百日兒加一錢一字二百日兒加二錢半一歲加半兩餘藥皆倣此

聖惠甘草散 治小兒中魘面色白赤而復變青者如醉色故復發作面赤若青黑色繞口不治覺病候晚者死覺之早者所中邪氣未入臟腑又微引乳者可服此

甘草炙微龍骨赤剉赤茯苓各一分牡蠣燒為粉生乾地黄

黃芩各一分桂心各一分當歸牛兩剉

右件藥搗麤羅為散每服一錢以水一小盞入淡竹葉七片煎至五分去滓入白蜜一錢更煎一兩沸量兒大小以意加減溫服日三四服

大黃丸 治小兒中鬼挾實

川大黃剉碎微炒白鮮皮 甘草炙微赤犀角屑 黃

芩 赤茯苓 赤芍藥各一分

右件藥搗麤羅為散每服一錢以水一小盞煎至五  
分去滓量兒大小加減日三四服

張渙虎骨丹

治被魅病

虎頭骨

微炒

鬼臼

去毛

草龍膽

鬼箭

各一兩

琥珀

白

膠香

各半兩

右件藥搗羅為細末煉蜜和丸如黍米大每服十粒乳  
香湯下量兒大小加減

客忤

巢氏云小兒中客忤者是小兒神氣軟弱忽有非常之物或未經識見之人觸之與兒神氣相忤而發病謂之客忤也亦名中客又名中人其狀吐下青黃白色水穀解離腹痛反倒天矯面變易五色其狀似癇但眼不上挿耳其脈弦急數者是也若失時不治久則難治若乳母飲酒過度醉及房勞喘後乳者最劇能殺兒也

其脈急數

者宜與龍膽湯下之加人參當歸各如龍膽秤分等多少也

千金論少小所以有客忤病者是外人來氣息忤之一

名中人是為客忤也雖是家人或別房異戶雖是乳母及父母或從外還衣服經履鬼神羸惡暴氣或牛馬之氣皆為忤也執作喘息乳氣未定者皆為客忤 凡小兒衣布帛綿中不得有頭髮履中亦爾 白衣青帶青衣白帶皆令中忤凡非常人及諸物從外來亦驚小兒致病欲防之法諸有從外來人及異物人戶當將兒避之勿令見若不避者燒牛屎令常有煙氣置戶前則善 小兒中客為病者無時不有此病也而秋初一切兒

皆病者豈一切兒悉中客邪切兒所以春冬少病秋夏  
多病者秋夏小兒陽氣在外血脈嫩弱秋初夏末晨夕  
時有暴冷小兒嫩弱其外則易傷暴冷折其陽陽結則  
壯熱胃冷則下痢故夏末秋初小兒多壯熱而下痢未  
必悉是中客及魘也若治少小法夏末秋初宜候天氣  
溫涼有暴寒卒冷者其少小則多患壯熱而下痢也慎  
不可先下之皆先去毒後下之耳 小兒中客急視其  
口中懸癰左右當有青黑腫脈核如麻豆大或赤或白

或青如此便宜用針速刺潰去之亦可爪摘決之并以  
綿纏釵頭拭去血也少小中客之病吐下青黃赤白汁  
腹中痛及反倒偃側喘似癰狀但目不上挿少睡耳面  
變五色其脈弦急若失時不治小久則難治矣欲療之  
方用豉數合水拌令濕擣熟丸如鷄子大以摩兒顙上  
足心各五六遍畢以丸摩兒心及臍上下行轉摩之食  
頃破視其中當有細毛即擲丸道中痛即止

真珠散 治客忤驚風鬼痊驚邪痰熱心舍不寧精神



不定心常怔忡睡中驚跳時或咬牙五心煩熱有汗  
兼喘面赤舌白呵欠煩渴小便赤瀉或吐利黃沫常  
服辟邪安神

真珠

海螵蛸

滑石

各一錢

白茯苓

人參

白

附子

甘草

炙

全蝎

麝香

腦子

另研各五錢

生珠

另研一錢

金箔

二十片

銀箔

三十片

右末和勻半錢煎燈心麥門冬湯入蜜少許調服日  
午臨卧各一服

譚氏殊聖治客忤方 忽爾連連哭不休 渾身壯熱脉  
如鉤驚啼不得寃 神鬼客忤傷心不自由 犀角雄黃  
相共搗桃符煎水看稀稠 人參茯苓車前子九喫三  
服請不憂

安神丸

生犀末

半錢

雄黃

研

人參

茯苓

車前子

各一分

右為末取桃白皮一兩桃符一兩二味以水三升同  
煎至一升去滓更煎成膏和前藥丸如麻子大每服

三九芍藥湯下

又方 小兒哽氣築心連喘息多愁胃口涎唯有此疾  
宜早治為緣客忤氣相煎看看病狀醫難効速取真  
珠散半錢龍腦生犀香附子小兒餐了保身安

真珠散

真珠末

錢四

生犀末

錢二

香附子末

錢一

龍腦

半字

右同研每服一字桃仁湯調下乳母忌生冷油膩一

切毒物半月

張渙辟邪膏

嬰兒血氣未實皆神氣軟弱除父母及

乳養之常照管外不可令見生人及抱往別房異戶

及不可見牛馬獸畜等其父母家人之類自外及寅

夜行歸家亦不可見兒恐經履鬼神粗惡暴氣若犯

人令兒吐下青黃赤白水穀解離其狀似發癇者但

眼不上戴脉不弦急名曰客忤

凡斷乳小兒亦有中惡卒暴者亦宜服此

藥立至

蘇省

降真香

剉

白膠香

沉香

虎頭骨

微炒

鬼臼

去毛

草

龍膽 人參 白茯苓

右件各半兩擣羅為細末次入水磨雄黃半兩細研  
水飛次研麝香一錢都拌勻鍊蜜和如鷄頭大每服  
一粒煎乳香湯化下及別丸如彈子大用綠絹袋子  
盛令兒衣服上帶之仍卧內常燒神妙

田客忤因而驚忤者治法用竈中黃土研二兩鷄子一  
枚去殼二件相和入少許水調先以桃柳枝湯浴兒後  
將此藥塗五心及頂門上

陳無擇法用竈中黃土蛭  
蚓屎等分如此法塗之

治卒客忤禁口不能言細辛桂心等分納口中効元  
和紀用經療小兒客忤 搗菖蒲汁內口中 又生艾  
汁納口中 又磨刀水三四滴妙 又用好墨搗篩和  
水溫服半錢七

中人忤茅先生小兒生下犯人禁候面青黑合兩眼閉  
吐逆不下乳此候因生下來不免外人看問或有腋氣  
或因婦人月假不淨或外人帶邪神觸着生下來夾故  
故乳哺使觸異氣之物氣血未就又被風邪擊致此所

治者先用朱砂膏

方見驚積門中

乳上吮下後用鎮心丸驚夾

腥脾散

與服卽愈如見不下乳眼視肚硬死候大

凡初生下兒子家中人不見不可便與外人入房看問人家各有神祇又恐婦人腋氣及月假不淨觸着恐中客忤此即是養兒之法

千金方剪取驢前膊胛上旋毛大如彈子大以乳汁煎之令毛消藥成著乳頭上飲之下喉卽止 又燒母衣帶三寸并髮合乳汁服之又取牛鼻津服之 又取牛

口沫傳乳頭飲之

治少小見人來不佳腹中作聲者三物燒髮散方 用  
向來者人顛上髮十莖斷兒衣帶少許合燒灰細末  
和乳飲兒即愈

中馬忤千金論曰凡諸乘馬行得馬汗氣臭未盥洗湯  
衣裝而便向兒邊令兒中馬客忤兒卒見馬來及聞馬  
鳴驚及馬上衣物馬氣皆令小兒中馬客忤慎護之持  
重之一歲兒也 其狀腹痛吐下青黃白色水穀解離



者致天

千金治小兒中馬客忤法

中客中人皆可用

用粉為丸如豉

法摩兒手足心及心頭臍上上下行轉摩之呪曰摩家

公摩家母摩家子兒苦客忤從我始扁鵲雖良不如

善唾良呪訖棄九道中

又法 取一刀橫竈上解兒衣發其心腹訖

翼發作撥

取刀

持向兒呪之唾輒以刀擬向心腹啡啡

音非出唾貌

煌煌

日出東方背陰向陽葛公葛公不知何公

翼云葛公葛母不知

何公  
子來不視去不顧過與生人忤梁上塵天之神戶  
下土鬼所經大刀環犀對竈君二七唾客愈兒驚唾  
啡啡每唾以刀擬之咒當三遍乃畢用豉丸亦如上  
法五六遍訖取此丸破視其中有毛棄丸道中人馬  
客忤即愈矣

簡要濟衆治小兒中馬毒客忤取馬尾於兒面前燒令  
兒嚙烟氣日燒之差為度

又方  
取馬口角沫塗兒口中效

中惡

巢氏云小兒中惡者是鬼邪之氣卒中於人也無問大小若陰陽順理榮衛平調神守強則邪不干正若精氣衰弱則鬼毒惡氣中之其狀先無他病卒然心腹刺痛悶亂欲死是也凡中惡腹大而滿脈緊大而浮者死緊細而微者生餘勢不盡停滯臟腑之間更發後變為疰也 治法先下蘇合香丸未醒以皂角末搐鼻次服沉香降氣湯加人參茯苓又能辟邪客忤亦宜服

蘇合香丸 治傳屍骨蒸諸項勞瘵順氣化痰卒暴心痛鬼魅瘧疾霍亂吐瀉赤白下痢小兒驚搐

蘇合香油

伍錢入安息香膏內

安息香

一兩另為末用無灰酒半升熬膏

丁

香 青木香

白檀香

沉香

華撥

香附米

訶子

煨取肉

烏犀

鎊屑

硃砂

研水飛各一兩

薰陸香

片腦

研各五錢麝香 七錢半

右為細末用安息香膏入煉蜜和劑圓如芡實大空心用沸湯化下小兒一九老人四九酒下亦可用

蠟紙裹一九彈子大用緋絹袋盛常帶之一切邪  
神不敢近去腦名麝香蘇合丸治一切邪神及胸膈  
噎塞腸中虛鳴宿食不消餘證並同

沉香降氣湯降真香

沉香 白膠香 虎脰骨 人參 鬼箭 草龍

膽 各五錢

右為末次入雄黃五錢麝香一錢煉蜜丸乳香湯化  
下又令兒帶及燒卧內尤妙

葛氏肘後救卒死或先病痛或常居寢卧奄忽而絕皆  
是中惡救之方

右取葱黃心刺其鼻男左女右入七八寸小兒量度  
之若使目中血出佳扁鵲法同是後吹耳條中葛言  
此云刺鼻故別為一法

又方

右令二人以衣壅口吹其兩耳極則易入可以筒吹  
之並捧其肩上側身遠之莫臨死人上

又方

右以葱葉刺耳耳中鼻中血出者莫怪無血難治有血是候時當捧兩手忽放之須臾死人目當舉手撈人言痛乃止又男刺左鼻女刺右鼻中令入七八寸餘大效小兒量度之亦治自縊死此與扁鵲方同

又方

右以綿漬好酒中須臾置死人鼻中手按令汁入鼻中并持其手足莫令驚

又方

右視其上唇裏弦有兒如黍米大以針決去之

又方

右以小便灌其面數迴即能語此扁鵲法也

又方

右末皂莢如大豆吹其兩鼻中嚏則氣通矣

又方

右割雄鷄頸取血以塗其面乾復塗并以灰營死人



一周

又方 以管吹下部令數人互吹之氣通則活

千金治卒忤方 此病即今人所謂中惡者與卒死鬼擊亦相類為治皆參取而用之

右鹽八合以水三升煮取一升半二服得吐即愈備急方云治鬼擊若小便不通筆頭七枚燒作灰末和服之即通

聖惠桃奴散 治小兒中惡心腹堅脹疼痛顏色青黑

大便不通

桃奴

五枚

甘草

一分炙

麝香

細研一錢

杏仁

二十枚湯浸去皮尖雙仁

麤炒微黃

桔梗

去蘆頭

赤芍藥

黃芩

柴胡

去苗

川升麻

川大黃

剉微炒

鬼白

去毛各半兩

右件藥搗麤羅為散每服一錢以水一小盞煎至五分去滓不計時候溫服以利為度量兒大小以意加減

聖惠鬼箭羽散

治小兒中惡心堅強卒痛欲困

鬼箭羽

真珠

末各一分

羚羊角

屑

桔梗

去蘆頭

川朴硝

川升麻

赤芍藥

柴胡

去苗

黃芩

各半兩

桃仁

十枚

湯浸去皮尖雙仁麤炒微黃

川大黃

一兩剉微炒

右製服法同前

聖惠雄黃丸

治小兒中惡心痛辟除邪氣

雄黃

細研

真珠

末各半兩

麝香

牛黃

各細研一錢

巴豆

二十粒去

皮膜心研紙裏壓出油

右件藥都研令勻入棗瓤及鍊蜜和圓如粟米大每

服以薄荷湯下三九量兒大小加減服之

嬰孺鬼箭羽湯 治小兒中惡心腹堅強卒痛欲困

鬼箭羽

三分

朱砂

一分

羚羊角

屑

桔梗

鬼白

朴硝

湯成下各半分

升麻

芍藥

柴胡

各五分

黃芩

六分

黃

八分

桃仁

四十九箇  
炒去皮尖

右以水四升煮一升二合二歲兒為四分更量兒大

小與服之

葛氏肘後灸法以繩圍其死人肘腕男左女右畢伸繩

從背上大椎度以下又從此灸橫行各半繩此法三灸  
各三即起又令爪其病人人中取醒不起者捲其手灸  
下文頭隨年壯又灸鼻中三壯也又灸頤下宛宛中名  
承漿穴十壯大效又灸兩足大指爪甲聚毛中七壯此  
華陀法一云三七壯又灸臍中百壯也

### 卒死

巢氏云小兒卒死者是三虛而遇賊風故無病倉卒而  
死也三虛者乘年之衰一也逢月之空二也失時之和

三也有人因此三虛復為賊風所傷使陰氣偏竭于內陽氣阻隔于外而氣壅閉陰陽不通故暴絕而死也若腑臟未竭良久乃蘇亦有兼挾鬼神氣者皆須邪退乃生也凡中客忤及中惡卒死而邪氣不盡停蓄心腹久乃發動多變成症也

茅先生卒死候眼合齟齒遍身如綿軟面青黑口瘡冷此候因本生下而遍身熱或因有驚患醫人一向退熱不曾下得驚積及妳積遂積聚被邪氣至此

右前件三箇候都來一般只是要辨元初受惠根源  
治之急下奪命散與吐下風延 醒後便下勻氣散

二服補除後下硃砂膏 鎮心丸 與服如有伏

熱來時即下大附散與調理二三日安樂 前件三  
箇形候只是此一般調理上件疾見鴟聲上啼偏搐  
汗如珠不得睡眠障淚出死候不治

金匱要畧治小兒卒死而吐利不知是何病方

右以馬屎一圓絞取汁灌之無濕者水煮乾者取汁

葛氏肘後救卒死而壯熱者

右用礬石半斤水一升半煮消以漬腳令沒踝

又方救卒死而目閉者

右用騎牛臨面擣薤汁灌之耳中

又方救卒死而四肢不收屎便者

右取牛洞一升温酒灌口中者稀糞也

千金卒死無脈無他形候陰陽俱竭故也

右用牽牛臨鼻上二百息牛舐必差牛不肯舐著鹽



汁塗面上即牛肯舐

又方

右炙熨斗熨兩脇下

備急方云  
又治口厥

治魘死不自覺者方

右用慎燈火勿令人手動牽牛臨其上即覺若卒不能語取東門上雞頭末之以酒服

治卒魘死方

右搗韭汁灌鼻孔中劇者灌兩耳

張仲景云  
灌口中

治鬼魘不悟方

右末伏龍肝吹鼻中

又方

右末皂莢如大豆許吹鼻中嚏則氣通起死人

集驗方云

治中惡

聖惠治小兒卒死方

右取女青末半錢用牛乳汁調治之

又方

右燒野豬糞水解取汁服之

又方

右以苦參醋煮汁少許內口中即蘇水煮亦得又酒煮爛棺木板取汁服少許

又方

右煎鹽湯令極鹹以物拗口開灌之令入腹即活

又方

以熱湯和灰厚攤身上逡巡即蘇

嬰孺治小兒不知所病便死絕方

右取雄雞冠臨兒口上割血滴入口下即活

肘後灸法 卒死而四肢不收尿便者灸心下一寸臍

上三寸臍下四寸各一百壯兒小者隨年

千金治卒死 針間使各百餘息

又灸鼻下人中一名鬼客廳

肘後方云  
又治尸厥

鬼持

巢氏云小兒神氣軟弱精爽微羸而神魂被鬼所持錄

其狀不覺有餘疾直爾痿黃多大啼喚口氣常臭是也  
嬰童寶鑑小兒鬼持歌云小兒氣弱命中衰魂魄多  
應被鬼持其候痿黃多哭地不須用藥可求師鬼氣歌  
云鬼氣皮膚裏相傳臟腑間腫虛如水病瘕癥似驚癇  
熱發渾身澀心攣痛所攢小兒還有此服藥急須看

圖經治鬼持方

右用虎睛爪并指骨毛以繫小兒臂上辟惡鬼

外臺深師五邪丸 療邪狂鬼魅妄言狂走恍惚不識

人此為鬼忤當得殺鬼九方

丹砂

雄黃

各別研

龍骨

馬目毒公

鬼箭

各五兩

鬼白

二兩

赤小豆

三兩

芫青

一枚

桃仁

百枚去皮尖熬別研

右九味擣下篩細絹篩合諸藥拌令勻調後內蠟和

之大如彈丸絳囊盛之繫臂男左女右小兒繫頭合

藥勿令婦人鷄犬見之所服蜜和丸如梧子大一

服三九日三九日三服忌五辛生血物

疰病

尸

巢氏云疰之言住也謂其風邪鬼氣留人身內也人無  
問大小若血氣虛衰則陰陽失守風邪鬼氣因而客之  
留住肌肉之間連滯腑臟之內或皮膚掣動遊易無常  
或心腹刺痛或體熱皮腫沉滯至死死又疰易傍人故  
為疰也小兒不能觸冒風邪多因乳母解脫之時不避  
溫涼暑濕或抱持出入早晚其神魂軟弱而為鬼氣所  
傷故病也

千金治小兒疰方

右用竈中灰鹽等分相和熬熨之

千金大乙備急散 主卒中惡客忤五尸入腹鬼刺鬼  
癖及中蠱症吐血下血及心腹卒痛腹滿傷寒陰毒  
病六七日方

雄黃

芫青

桂心

各二兩

丹砂

蜀椒

各一兩

藜蘆

巴豆

各一分

附子

炮裂去皮臍五分

野葛

三分

右九味巴豆別治如脂餘合治下篩以巴豆合和更

搗令勻調以銅器中蜜貯之勿泄有急疾水服

膈上吐在



膈下利在四肢當汗出此之所為如一字字可加至半錢七老小半之病在頭當鼻衄在湯淚雪手下皆愈秘之非賢不傳

千金治瘧病相染易及霍亂中惡小兒客忤長病方

獼肝

一具

雄黃

莽草

丹砂

鬼白

犀角

巴

豆

各一兩

麝香

二分

大黃

牛黃

各一兩

蜈蚣

一條

右十一味末之蜜圓空腹服如麻子大二九加至三九以知為度

尸注

巢氏云尸症者是五尸之中一尸症也人無問小大腹內皆有尸蟲尸蟲為性忌惡多接引外邪共為患害小兒血氣衰弱者精神亦羸故尸症因而為病其狀沉黑不的知病之處或寒熱淋漓涉引歲月遂至於死死又症易傍人故名之為尸症也 張渙論小兒亦有症病與大人所病無異久後症易傍人傳染骨肉如尸症蠱毒之類是也 張仲景治大人小兒飛尸走馬湯方

巴豆

去心  
皮熬

杏仁

去皮尖  
各二枚

右二味取綿纏梘令極碎投熱湯二合捻取白汁服之須臾差未差更一服老小量之通療鬼擊有尸症者常蓄此藥用驗忌野豬肉蘆笋備急同

聖惠木香散 治小兒尸症心腹滿脹疼痛不可忍

木香 鬼箭羽

桔梗

去蘆頭

當歸

剉微炒

紫蘇莖葉

各半  
兩 檳榔 分

右件藥搗羅為粗散每服一錢以水一小盞入生薑少許煎至五分去滓不計時候溫服更量兒大小加

減服之

犀角散 治小兒尸疰心中惡諸病皆主之

犀角

屑

川升麻

木香

川大黃

剉碎  
微炒

桑根白皮

剉

檳榔

各半  
兩

麝香

一錢  
細研

桃仁

二七枚湯浸去皮  
尖雙仁麴炒黃

右件藥搗細羅為散每服以溫水調下半錢日四五服更量兒大小加減服之

張渙雌黃丹

治尸疰病

雌黃

雄黃

各細  
研

川大黃

慢火  
炮黑

鬼臼

去皮各  
一兩

桃仁

三十箇湯浸  
去皮尖研

白頭翁

半兩已上並  
為細末次用

麝香

一分  
另研

巴豆

十粒去  
皮心膜

右件都研勻以羊脂五兩鎔和諸藥成膏如黍米大  
三粒至五粒荆芥湯冷下量兒大小加減

立效湯

川大黃

炮乾

乾桃柳葉

洗焙乾  
各一兩

梔子仁

赤芍藥

各半

兩已上搗羅為細末次用

朱砂

細研水  
飛一兩

麝香

雄黃

別研各  
一分

石件都拌勻每服一錢蜜湯調下量兒大小加減

蠱症

巢氏云人聚蛇蟲雜類以器皿盛之令相噉食餘一存者即名為蠱能變化或隨飲食入腹食入五臟小兒有中者病狀與大人老兒無異則心腹刺痛懊悶急者即死緩者涉歷歲月漸深羸困食心藏盡利血心藏爛乃至死死又症易傍人故為蠱症也

外臺范汪療大人小兒蠱症百病癥瘕積聚疲削骨肉大

小便不利卒忤遇惡風臚脹腹滿淋水轉相注殫門盡戶延及男女外孫醫所不能療更生十七物紫參丸方

紫參 人參 半夏湯洗 藜蘆 代赭石 桔梗

白薇 肉蓯蓉各三分 石膏 大黃 牡蠣熬 丹

參各一分 蝦蟇燒灰 烏頭炮各四分 狼毒七分 附子炮伍分 巴豆

七十枚去心皮熬

右件藥搗篩蜜和為丸以飲下如小豆一九日三服老小以意減之蜂蠆所螫以塗其上神良忌豬羊肉

冷水一方無蝦蟆有乾薑四分

聖惠羚羊角散 治小兒中蠱腹內堅如石面目青黃

小便淋瀝變易無常

殺羊角

屑

藁荷

各一兩

梔子仁

七枚

赤芍藥

牡丹皮

黃連

去鬚各一分

犀角

屑半兩

右件藥搗麤羅為散每服一錢以水一小盞煎至五分去滓溫服日三四服更量兒大小加減

又方



敗鼓皮

三分炙  
令黃

苦參

劉

藁荷根

各一  
兩

右件藥搗麤羅為散每服一錢以水一小盞煎至五分去滓溫服日三四服更量兒大小加減服之

升麻散 治小兒初中蠱毒

川升麻

桔梗

去

蘆菔根

各半  
兩

右搗羅為麤散每服一錢以水一小盞煎至五分去滓溫服日四五服量兒大小加減

雄黃散 治小兒飛蠱狀如鬼氣者宜服

雄黃

麝香

各細研

犀角

末各半兩

右件藥都研令勻每服以溫水調下半錢一日四五服量兒大小加減

治小兒五種蠱毒悉主之方

右搗馬兜鈴根細羅為散每服一錢以水一小盞煎五分去滓空腹頓服當時隨吐蠱出未快吐即再服又方

右用敗鼓皮一片燒灰細研為粉空心以粥飲調服

一錢病人須臾當呼蠱王姓名病便愈

又方

右用薺芫一兩擣羅為末以粥飲調下一錢甚效量  
兒大小加減服之

治水兒畏忌中蠱欲死方

右用甘草半兩生剉以水一中盞煎至五分去滓分  
為二服當吐蠱出若平生預防蠱者宜熟炙甘草煮  
汁服之即內消不吐神效

治小兒中蠱毒令腹內堅痛面目青黃淋露骨立病變  
無常方

右用桃株寄生貳兩擣細羅為散如茶點服之日四  
五服

又方

右用麝香半錢細研空腹以溫水調服即吐出蠱毒  
未效再服

治小兒中蠱下血欲死方

右取生赤雌雞翅取血服之立效

又方

右擣青藍汁頻頻與半合服

嬰孺雄黃丸

治小兒疰病諸蠱魅精氣入心入腹刺

痛黃瘦骨立

雄黃

雌黃

各四分

丹砂

野丈人

徐長卿

各三分

大黃

伍分

香

羚羊角

屑五分

右為末以青羊脂和丸百日兒酒服黍大三九日進

二服或豆大亦可

張渙雄麝散 專治蠱毒病

雄黃

水磨者  
細研

麝香

別研

殺羊角

屑

赤芍藥

敗鼓皮

炙黃各  
一兩

馬兜鈴根

薺芩

鬼臼

去毛各半兩已  
上除雄黃麝香

外搗羅  
為細末

右件八味都一處拌勻研細每服半錢濃煎甘草湯

調下食前

麝犀湯

犀角屑 鬼箭 安息香 水磨雄黃

細研各一兩

苦

參

牡丹皮


各半兩

已上搗羅為細末次用

麝香

半兩  
細研

右件都拌勻每服一錢水一大盞煎至五分去滓放  
溫時時服



證治準繩卷九十九